



- **Sontada dla comisciun de cortina en jöbia ai 6 d'otober ales 20:00**
- **Liturgia:** en **domegna ai 9 d'otober** vegnel recordé dla gran messa deplü **sorvisc de liturgia**. Al ven tut sö i **sorvidús** nös y sorandé n diplom a chi co lascia, do che ai á sorví a messa regularmonter por almanco 4 agn (düc chisc é der bel enviés da tó pert ala santa messa te na proca dai scolari dla mesana). Al ven ince sorandé les enciaries dal vesco a **conduturs dla "Zelebrazium dla Parora de Dio"** y ringrazié **Jep Palfrader** por so laûr da **mone** al sorvisc dla ploania y dla liturgia.
- **Pelegrinaje:** en **sabeda ai 22 d'otober** él les ploanies d'La Pli y d'Al Plan co va a Weißenstein, por passé la Porta Santa, daorida te cösc Ann dla Misericordia. Prenotaziuns pa maestra Brigitte, ☎ 338 9316650.
- **Joneza: lites** dal consei por i proscimi 2 agn. La zetola de lita pón dé jö dai 19 de setember cina ai 3 d'otober te na scatora, motüda fora te dlijia (alté dal Rosare) o tla ostaría Sotró. La **sontada generala** gnará tignida en **vendres ai 7 d'otober** ales 20:00 te Ciasa dles Uniuns con dedo spaghetada. Döta la joneza é der bel enviada!



enformaziuns y termins

Messes a Oies: da sen ennant é la messa sö Oies dagnora **ales 16:00** (le lönesc n'él degüna messa).

Pelegrinaje: l'uniun dles porsones vedoes y sores dla Val Badia envieia en jöbia ai 6 d'otober a n pelegrinaje a Absam. Le bus peia ia da La Pli ales 7:40, da Longega ales 8:00; ales 11:00 gnará zelebré tla dlijia de Santa Maria na santa messa. lade, marena y picia marena costa 54,00 €. Al é da s'anunzié dan dai 3 d'otober pa Maria de Ierghete ☎ 0474 501322 o pa Monica da Lungiarü ☎ 0474 590069.

Referat/1: "La ponsiun complementara (Zusatzrente) - le secundo pilaster dla ponsiun". De cösc tema nen vara te n referat en dedemesaledema ai 5 d'otober ales 19:30 te biblioteca d'Al Plan. Judith Gögele spliga le sistem dles ponsiuns, ci efec che le laoré a tomp parzial á sön la ponsiun y ci vantaji che la ponsiun aditiva pó porté.

Referat/2: "Educare oggi al tempo di internet" con Giuseppe Maiolo, "Centro il germoglio La Strada – Der Weg", en dedolönesc 11 d'otober ales 19:30 te salf di Stödafüch a San Martin. Al baiará dla sfida de geniturs y insegnanc da ciaré che i mituns/jogn ciafi n raport sann con i media nös.

Curs: sö la lla, tal salf dla Cassa Raiffeisen vegnel motü da jí ai 18, 21 y 28 d'otober, dales 9:00 ales 12:00, n curs por geniturs co á mituns da 0 a 18 agn. Referent é Roland Feichter. Informaziuns y prenotaziuns, ☎ 338 3078479.

Döt le bun a: Carolina Canins Valentini, *Badia* * 02.10.1929
Teresa Palfrader ved. Ellecosta * 05.10.1935
Teresa Taibon ved. Konrater * 06.10.1930
y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MHz**



VAL BADIA
www.unitepastorala.org

“De cör ôi mo ralegré por Dio, mia salveza”

☞ **St.Ap 1, 12–14 | Gal. 4, 4–7 | Lc 1, 26–38**

Dal Vangelo do San Lûca:

²⁶Te chel tomp é l'angelo Gábriel gnü mené da Idio te na ciüté tla Galilea dal ennom Názaret ²⁷da na vérgine; ara ea empormotüda a n el dla ciasa de Davide co á ennom Ojep, y l'ennom dla vérgine ea Maria. ²⁸L'angelo é jü ete da d'era y á dit: Ave, tö plena de grazia, le Signur é con té. ²⁹Ara s'á spordü da gnü baiada ados ensciö y ara ponsâ do, ci che cösc salüt dea significhé. ³⁰Danló ti á l'angelo dit: No te teme, Maria; deache t'as ciagé grazia pa Idio. ³¹Te ciarás y metarás al monn n möt: a d'el desste ti meter ennom Gejü. ³²Al sará gran y gnará nominé Fi dal Altiscim. Dio, le Signur, ti dará le tronn de so pere Davide. ³³Al regnará sora la ciasa de Iacob por dagnora y söa regnanza n'ará degüna fin. ³⁴Maria ti á dit al angelo: Cö dess pa cösc sozeder, deach'i ne conesci degün el? ³⁵L'angelo ti á respognü: Le Spirit Sant gnará sön té y la forza dal Altiscim destenará söa ombria sora té. Chel co nasciará sará porchel sant y gnará nominé Fi de Dio. ³⁶Ince Elisabeta, töa parenta, á ciamó conzepi n fi te söa eté; sciömia ch'an aratâ ch'ara ne ciarass nia plü mituns, éra sen belo tal sesto mens. ³⁷Pa Idio ne n'él nia de imposcibl. ³⁸Danló á dit Maria: I sun la fancela dal Signur; al sozedes con mé desche t'as dit. Spo s'an é l'angelo jü demez da d'era.

Oraziun dal dé

*Periun!
Dio onipotent,
jüta ete töa grazia te nüsc cörs.
Con l'anunziaziun dal angelo,
anse conesciü l'incarnaziun
de Gejú Crist, to Fi.
Fá ch'i gnunse degns,
por i miric de söa pasciun y mort,
da tó pert ala gloria de söa ressureziun,
por Gejú Crist, nosc Signur. Amen*



☞ **Letöres dla 28. domegna ia por l'ann:**

2 Resc 5, 14–17 | 2 Tim 2, 8–13 | Lc 17, 11–19

Edema liturgica dai 02.10. ai 09.10.2016

DOM 02.	SEGRA DAL ROSARE <i>Sanc Angeli Custodi, Hermann, Jakob</i>
08:30	gran messa ciantada en onú de Santa Maria por dōta la ploania ♫ <i>J. Haydn, "Kleine Orgelsolomesse"</i> oferta por i debojügn dla ploania
14:00 10:00	espi da festa y prozesciun en onù de Santa Maria fora Brach <i>s.m. a Al Plan</i>
Lön 03. 07:30	<i>Ewald, Cristina, Udo, Irmgard</i> <i>s.m. a Al Plan</i>
Ded 04. 07:30	festa de San Francesco d'Assisi, Edwin s.m. por vis y +ti d'Ansele s.m. por + Rosa Marchetti, Sotrú
Dem 05. 18:00	<i>Plazidus, Meinolf</i> <i>s.m. a Al Plan</i>
Jöb 06. 19:30	<i>Bruno, Renatus, Isidor, Adalbert - dé d'oraziun do vocaziuns</i> s.m. por +ti Jep y Susanna Mühlmann, Baldessé s.m. por +ti Massimo Topran Cutin y Florian Baldissera s.m. por + Bruno Bonaldi, La Ila
Ven 07. ▶ 18:45 19:30	pröm vendres - memoria de Santa Maria dal Rosare, Iustina, Rosa signor ploan va a proveder poscibilité da se pissié s.m. por + signor Merch Graffonara, ploan funziun al Sacher Cör
Sab 08. 07:30 18:00	<i>Sabeda de Santa Maria Simeon, Sara</i> s.m. por vis y +ti de Mareo <i>s.m. prefestia a Al Plan</i>
DOM 09. 08:30 10:00	28. domegna ia por l'ann <i>Dionisius, Johannes Leonardi,</i> FESTA DAI MINISTRONC <i>Günther, Sibylle</i> gran messa por dōta la ploania <i>oferta por i debojügn dla ploania</i> <i>s.m. a Al Plan</i>
<i>ampola:</i>	por i +ti d'Ansele
<i>ministronc:</i>	▶ da doman y domegna: Alessia Costabiei y Daniele Ellemunter ▶ da sera y domegna: Carolina Willeit y Karin Rindler
<i>i recordun:</i>	Maria Mellauner, Tront + 05.10.2009 Beniamin Ellecosta, Valdaora + 07.10.2010

Der Rosenkranz



Eine biblische Meditation

Wenn der Rosenkranz nicht eine bloße mechanische Wiederholung der traditionellen Formeln ist, dann ist der Rosenkranz eine biblische Meditation, die uns in Begleitung der seligen Jungfrau die Geschehnisse des Lebens des Herrn vor Augen führt, wobei wir sie wie Maria in unserem Herzen bejahen.

Benedikt XVI.

Funziuns liturgiches sö La Crusc

Dedolönesc, 4 d'otober, San Francesch: dales 05:00 ales 06:00 ora d'adoraziun dan le Santiscimo, ales 06:00 santa messa.

Sabeda, 8 d'otober: ales 15 Traslazium de Chël Bel Dî dala Crusc a San Linert.

Domegna, 9 d'otober: ales 15, a San Linert prozesciun con Chël Bel Dî dala Crusc.

Le Credo cunté ai mituns (7)



Gejú Crist ... á patí sot a Ponzius Pilatus, é gnü motü söla crusc, é mort y é gnü sopelí; al é roé tal regn dai morc

Gejú é mort sön la crusc. Al é gnü condané a mort da Ponzius Pilatus, le governadú roman tla ludea. Gejú ea inozont. El, le Fi de Dio, s'á motü daldöt söla pert de chi co ne ciafa nia plü Chelbeldio. El s'á ciarié sö dötes les colpes, dötes les soferenzes y la tristezza de döt le monn y é jü tres la scürité plü foscia: tal regn dai morc. Le particular de döt cösc é ch'al l'á fat de söa bona y che cinamai te cösta surité ál confidé te Chelbeldio. Te cösta maniera ál costruí en punt che la jont ne foss mai stada bona da fá da sora: dla mort ala vita, dla scürité al lominus, dla surité zoruch da Chelbeldio.

Preghiera semplice

Signore, fa di me uno strumento della Tua Pace:
Dove è odio, fa ch'io porti l'Amore,
Dove è offesa, ch'io porti il Perdono,
Dove è discordia, ch'io porti l'Unione,
Dove è dubbio, ch'io porti la Fede,
Dove è errore, ch'io porti la Verità,
Dove è disperazione,
ch'io porti la Speranza,
Dove è tristezza, ch'io porti la Gioia,
Dove sono le tenebre,
ch'io porti la Luce.
Maestro, fa che io non cerchi tanto ad esser consolato, quanto a consolare;
ad essere compreso, quanto a comprendere;
ad essere amato, quanto ad amare.
Poiché, così è: dando, che si riceve;
perdonando, che si è perdonati;
morendo, che si risuscita a Vita Eterna.

San Francesco d'Assisi



GEBETSMEINUNG
DES PAPSTES FÜR

Oktober

Wir beten für die Journalisten, die im Dienst der Wahrheit ihr Leben riskieren.

Wir beten im Monat der Weltmission für Freude in der Weitergabe des Evangeliums.